

PAPAKILO [Hawaiian Newspapers Collection](#) [Menu](#) ▾Translate  
www.hawaii.org[Ka Hoku o Hawaii](#) / [2 August 1939](#) / [Ke Kukui Malamalama](#)[Ka Hoku o Hawaii, Volume XXXIV, Number 14, 2 August 1939 — Ke Kukui Malamalama \[ARTICLE\]](#)[Back](#)

# Ke Kukui Malamalama

I na aole e loa ke kukui ma kekahi home, he mea maopopo loa e pouliuli ana ke ano o ka noho ana ma ka home, i na nae hoi aole e ho-a ia, a i na e ho-a ia alaila e malamalama ana no.

I na noho aole he mau keiki iloko a kekahi mau ohana e noho ana, e pouliuli ana no ke ano o ka noho ana oia poe, aka, i na ke mau keiki, e malamalama ana ia home, e loa ana hoi ka mea nana e hoo hauoli ia mau makua a e malamalama ana o loko o laua pakahi.

O ke kukui oi loa aku paha o ka malamalama ma ke ao nei e o nei kona mau kukuna malamalama ma na kahi eha o ka honua nei, oia no ka buke baibala. I na aole he baibala ko loko o kekahi home, alaila, aole ka malamalama ia poe, no ka mea aole he malamalama e komo aku ana o ka Makua lani malaila, alaila e noho pouliuli mau ana i loko o ka honua nei. O ka baibala oia ke mea nana e

HOKU O IA HOKU PAKAHU. O ka baibala oia ka mea nana e hoomaikaika mai i na mea i hana ia ame na mea e hana ia oia nae hoi ka malamalama pookela loa ma ke ao nei, a eia aku ana a e hoea mai ana.

Aole wale no hoi oia wale no ka malamalama, aka, iho no ia mau malamalama, e hoea mau ana imua o kela ame keia mea i na la apau a i na pule nohoi i kekahi manawa, a oia no na nupepa. Na ka nupepa e hoolaha aku i na mea hou ma na kahi eha o ka honua nei. Aole wale nae hoi ma ka olelo hookahi aka ma na olelo like ole. Malia paha e olelo iho ana kekahi poe eia no ke loa mai nei ia makou na nuhou ma o ka ipu olelo hoolele leo la.

Heaha hoi ke kukui malamalama o na Hawaii e o ia nei i keia manawa? Ua pio aku na ipu kukui e ae a koe hookahi no keia e kau aku nei i kona malamalama iwaena o na Hawaii mai kela kahi a keia kahi o ka aina. O ua kukui malamalama la e o nei a hiki i keia la oia no "KA HOKU O HAWAII".

No ka pono o na poe kahiko ua lilo aku Ka Hoku O Hawaii i kukui e hoomalamalama ana i ko lakou noonoo ame ko lakou luna ike hala.

O ke kumu o keia hoopuka ana ae la makou, oia no keia, i ka loa ole ana o kahi e hoo hala ai i ka manawa, ua lilo aku Ka Nupepa Ka Hoku o Hawaii i mea heluhelu a i ka heluhelu ana o ua wahi nupepa nei, ua hookahaha ia iho la na makamaka heluhelu i ka ike ana iho i na mea hou.

E nana i ka malamalama o Ka Hoku O Hawaii. Ma kekahi mau pule i kaahope ae nei ua hookomo ia iho la ke kii o kekahi mea kakau o Ka Hoku O Hawaii, a i ka heluhelu ana o kona makuahine o kana mea mua i ike oia no ke kii o keia wahine opio, a aole nohoi i ike hou kekahi i kekahi no na makahiki loihi he umi-kumamahiku. Ua holo leka aku a holo leka mai a o ka hopena ua holo aku la ka Anate e ike i ua wahine opio la. I ka ninau ia ana mai keia pehea la oia i ike ai a i hoomaopopo ai? Ua hoi-ke maila ua wahine la, no kona ike ana i ke kii ame na mea i kakau ia maloko o Ka Hoku O Hawaii. Nolaila, lilo iho la Ka Hoku O Hawaii i kukui malamalama no na Hawaii kahiko.

O ka makou e paipai nei e lawe i ka Nupepa KA HOKU OHAWAII i loa mau ka malamalama ia oe i kela ame keia manawa.

I wahi e mau ai ka a ana a ke kukui e hoomalamalama ana ia oe ame a'u, o ka wa keia e loa ai ka malamalama.

Owai hou ae? Mai kali a pio ka malamalama o ke kukui alaila upu ae ka manao e hii a e malamama. O ka wa keia.

This article has been automatically clipped from the Ka Hoku o Hawaii 2 August 1939, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).